

先秦—清末

《中國野史集成》編委會

四川大學圖書館

編

中國野史集成

錢鉞題



《中國野史集成》編委會
四川大學圖書館 編

	中
集	國
成	野
21	史

先秦——清末



巴蜀書社

目錄 (第二十一冊)

明書(卷二一七——二七一・止)

明書(卷二一七——二七一・止)

明書(卷二一七——二七一・止)

明書卷一百十七

靈壽傅維麟纂

列傳四

名臣傳二

樂韶鳳張智崔亮朱善吳沈劉仲質翟善滕教錢唐

任亨泰傳

樂韶鳳字舜儀全椒人乙未謁太祖於軍門與語奇之是秋扈渡江參軍事從下金陵丁酉授江西行省管句累任起居注給事中中書左司員外郎兵部侍郎六年拜本部尙書正月戊午上念天下既定恐中外將卒習於安逸弛

明書卷一百十七

武藝命同省臺督府定議教練軍士法并定賞罰各有差改侍講學士與承旨詹同定祀孔子樂章編集大明日厯爲催纂官又命擇唐宋名儒表箋可爲式者頒行天下七年九月上以祭祀還用樂舞前導翰林儒臣撰樂章韶鳳上所撰降祥祝惠酣酒色荒禽荒諸曲凡三十九章曰同鑾樂辭存規切八年與諸廷臣正中原雅音書成名曰洪武正韻攷陵寢朔望節序祭祀禮定以每歲元旦清明七月望十月朔冬夏二至日用太牢其伏臘社每月朔望日則用特羊祠祭署官行禮如節與朔望伏臘社同日則用節禮復定登壇脫舄禮上之上命著爲令未幾以病免

起國子司業十二年陞國子祭酒定皇太子與諸王往復書制禮韶鳳考據精詳上賜諭曰文廟之設以尊先師因之爲國學焉歷代以之訓君嗣甚重故哲王必選名儒以爲表率朕命爾端是師範闡揚博通使幼者記壯者解其毋怠忽以補於朕政欽哉十三年雷震奉天殿上以羣臣多不職罷斥者甚多部鳳因致仕以壽終兄弟皆知名於時日暉以人材知開封府日禮太常卿日教諸暨同知并知名韶鳳有友五人日趙奎陳旭陳友王才魯文質並起畝淪奎體貌魁岸有才略立功授總管守宜興洪武四年從征甘肅猝遇敵眾畏怖奎獨奮殊死戰敗之上喜加賞

明書卷一百十七

二

旭英教多智識友有膽氣常居前鋒才尤壯武文質攻醫授太醫院判奎才厯官都指揮使旭以從燕封雲陽伯友以平蠻封武平伯

張智字立略延平人父昇元以神童薦補太學授祕書郎五遷至江西儒學提舉智生而聰穎讀書過目成誦不爲嬉戲正色端謹如老成人嘗侍父慨然曰采玉必於崑山探珠必於滄海爲學豈可不出戶庭哉卽挾策入元都交當世名士用薦入國學四方兵興以才出參閩省機務授智同知新喻州辭居建陽洪武戊午以明經薦爲夷陵州學正凡九載艱歸起以尙書趙勉薦超拜禮部試左侍郎

疏請宜以書籍頒布北方學校議者以費財不便正色曰使賢才彙征利益生民何惜此費未幾實授是時諸儒多不稱任使至嬰顯倖上謂智等曰古人務學明體實用窮則忠信篤敬以淑諸人達則忠君愛國澤被天下朕擢用樞士布列百司而卒少見效良由師道不立故成材罕聞爾宜以朕言諭天下俾凡爲儒者必以聖賢之道自律修己教人毋徒尙文藝智請首行於太學從之尋奏定歲貢生員制語詳學校志壬申懿文太子薨智上議曰喪禮父爲長子服齊衰期年皇帝當以日易月服齊衰十二日祭畢釋之在內文武百官卽日於公署齋宿素服入臨文華

明書卷一百十七

三

殿給衰麻越三日成服詣春和門會哭明日素服行奉慰禮其當祭祀及送葬者仍衰絰以行在京停大小祀事及樂至服闋日而止停嫁娶六十日在外文武百官聞喪易服於公署舉哀次日成服行禮停大小祀事及樂十三日停嫁娶三十日尋以時享在邇令智與翰林院參考古制智等奏曰王制三年不祭惟祭天地社稷不敢以卑廢尊也今定議天地社稷先師歷代帝王用樂外惟太廟乃祖先神靈所在國既有喪而時享仍用樂恐神不樂聽宜備而不作詔從之尋以事左遷爲國子學錄事陞博士建文中進司業智儀容嚴肅多識典故教人以規矩開導獎勵

老而弗倦卒於官

崔亮字義夫藁城人元末爲省掾明兵來謁舊館授中書禮曹主事遷知濟南有善政洪武元年歷至禮部尙書詔定官員親屬冠服及隸卒軍士等制各有差三年朔旦以來日有黑子占者疑祭天不順禮所致詔亮議亮引用漢唐宋及元損益不同復以國朝前議圜丘從祀之禮以漢唐爲煩故正祀日月星辰太歲爲簡當上然之復上問郊祀天地拜位皆正中而百官朝參則列東西避正中可也亮對曰天子祭天陞自午陞祭社陞自子陞蓋社主陰北方也故君南向答陰之義也郊主陽南方也故君北向以

明書卷一百十七

四

答陽也若羣臣朝參無答神之義俱當避君上之尊故升降則皆由卯陞朝班則分東西立以避馳道其義不同上是之復命議百官及內史監官於皇太子親王前稱殿下自稱名若本宮內史本府官及承奉司於皇太子親王前俱稱殿下自稱臣百官在上前稱皇太子親王稱曰皇太子某王又定大朝會常朝及內外官員辭謝奏事侍班諸禮并定皇太子及羣臣賜坐殿上坐整整制酌宋典爲損益其他請旗纛止祭於當祭之月與夫宗廟四時之祭皆用四孟及歲除凡五定祭於清明等節各備時物薦享俱允行又定大射禮儀定仁祖廟號請下太常祭告時國制

草創亮引證多據經典七年卒於

朱善字備萬豐城人善少聰穎十歲能文既壯以經學授徒兵變隱居以道學爲己任所著有詩經解頤輯釋史輯等書太祖開設學校初以薦舉爲訓導尋授教授洪武八年召赴京廷試諸儒善居首授翰林修撰署院事知制誥明年以奏對失旨謫戍遼東無愠色日賦詩寫懷有遼海集未幾賜還鄉語子逢掖日汝力耕以供賦役我取祖洞雲先生所著皇極經世等書考證以傳庶不墜先業十七年召爲翰林待詔時方革元俗嚴中表婚禁民習舊多犯法上疏論婚姻律曰國重世臣家重世婚今民間婚姻之

明書卷一百十七

五

訟甚多非姑舅之子若女則兩姨之子若女蓋法不得爲婚以故讎家詆訟或以聘見絕或既婚復離甚或兒女行立有司逼拆使夫婦分離子母永隔冤憤抑鬱無所控訴悲號道路感慟人心議律不精禍乃至此按舊律尊長卑幼相與爲婚者有禁若謂母之姊妹與己之身是謂姑舅兩姨不可以卑幼上匹尊屬若己爲姑舅兩姨子彼爲姑舅兩姨女無尊卑之嫌爲子擇婦爲女擇婿古人不以爲非成周之時王朝所與婚者不過齊宋陳杞四國而已故當時稱異姓大國曰伯舅小國曰叔舅其世爲婚姻可知至於列國齊宋魯秦晉亦各自爲甥舅之國後世如晉之

王謝唐之崔盧潘楊之睦朱陳之好皆世爲婚媾又如溫嶠娶姑之女呂榮公娶姨之女今此事甚多以致訟獄繁興風俗凋弊願以臣章下羣臣議弛禁以通人情上是其言遂弛其禁十八年校禮閣進文淵閣大學士嘗進講心箴於文華殿奏言致治在任人今天下太平惟選川賢才以敷文治惟留意焉上曰善尋遵疾賜告卒年七十二正德中諡文恪是時有金思誠爲上海令博雅宏粹少負文名鮑恂字有孚崇德人博學篤行所著有大易傳義西漢集全詮安吉人張長年高郵人張紳登州人俱年七十餘廷薦思誠恂等明經達治體遣使徵之入見上甚喜賜坐

明書卷一百十七

六

顧問俱命爲文華殿大學士恂等固辭上曰朕以卿等年高不煩以政故授此職以輔導太子爾免卿蚤朝待日晏入不久當從其志庶不負卿等平生所學恂等復固辭聽還鄉惟紳後至以爲鄂縣教諭

吳沈字濟仲蘭谿人父師道字正傳元禮部郎中有文學沈累辟爲學訓導不就太祖取婺州改甯越府王宗顯知府事辟沈及朱廉徐原主教事洪武十二年以儒士舉誤上名曰信仲既除翰林待制謂修撰王釐曰名既誤冒昧不更是欺罔也告改正上曰是誠恪人遂蒙眷遇參謀議尋以奏對錯誤降編修未幾復待制十四年給事中鄭相

同奏言尊無二上稱臣於東宮非禮沈駿之曰國之大本尊安得異上是之十五年降渭源教諭未行留爲翰林典籍尋晉東閣大學士上將享太廟致齊武英殿謂沈等曰古聖賢垂訓立教大要有三君敬天臣忠君子孝親人道立矣其摘古經傳類編三事爲書書成賜名精誠錄沈爲撰序十六年八月進講後期降侍書改國子博士時方興文事沈獨謂兵不可廢每云聖人之兵昭文德而威不軌所以生人非殺人禦亂非爲亂尙義非尙詐武經則云兵詭道也非其本意遂纂易詩書論孟詞義涉戎事者立爲五篇一曰兵象二曰兵用三曰兵禮四曰兵詩五曰兵訓

明書卷一百十七

七

總題曰六經師律崑山秦約見而歎曰文武一貫有功世道之書也十九年致仕卒沈富蓄遠覽志負經濟三進三黜而無愠色嘗著辨言孔子封王爲非禮自是布政夏寅祭酒邱濬皆主其說并欲去謚至嘉靖中乃行之而用王禮如故

劉仲質字文質分宜人博通經史洪武初爲宜春訓導薦入京奏對稱旨擢翰林典籍校正春秋本末十五年驟拜禮部尙書太祖諭之曰孔子明帝王之道使君君臣臣父子子綱常以正彝倫攸敘其功參乎天地其令天下郡縣學以每歲春秋仲月通祀孔子丁巳上謂仲質曰國學

新成將釋菜令諸儒議禮議者曰孔子雖聖人臣也禮宜一奠而再拜上曰朕以爲孔子明道德以教後世豈可以職位論哉昔周太祖祀孔子入祠將拜左右曰孔子陪臣不宜拜周太祖曰孔子百世帝王之師敢不拜遂拜朕深服其明斷不惑左右之言朕敬禮百神於先師禮宜加尊仲質乃與定議上服皮弁執圭詣先師再拜獻爵後又再拜退易服詣彝倫堂祭酒司業博士助教進講賜坐侍臣以次列東西講畢宣諭學官諸生而還明日祭酒率學官上表謝上從之尋命條學規梓行頒賜師生進華蓋殿大學士未幾坐事降御史後以年老致仕仲質爲人篤厚文

明書卷一百十七

八

多質實如其爲人云

程善字敬夫泰興人洪武中貢入國學有聲授吏部文選主事歷員外郎二十六年吏尙書詹徽伏誅以善署部事勤慎稱旨特陞本部侍郎仍署事會上以諸司職有崇卑政有大小無方冊以著成法恐後之蒞官者罔知職任政事施設之詳命善同翰林儒臣倣唐六典之制舉凡設官分職之類編爲書名諸司職掌二十八年實授一日上諭羣臣曰善雖年少字量宏闊他莫能侔也善明於經濟凡所奏議多合上心上每日善朕良佐哉命工部爲善營第於泰興善辭曰江鄉地隘宗親且眾不忍奪人以自益况

未有所報稱何敢當上喜曰有官居鼎鼐無地起樓臺善與寇準同風矣善故成籍上欲免之善頓首曰戊卒宜增豈可以臣破例上曰善可謂社稷臣矣二十九年免歸

滕毅不知何許人元末兵亂流寓江南乙巳太祖征吳以儒士入見言事稱旨留徐達幕下尋拜起居注命毅同楊訓文集古無道之君若桀紂秦皇隋煬所行事以進上曰古人君所爲善惡皆可以爲龜鑑而惡尤以儆惕吾所以觀此者正欲知喪亂之由以爲戒耳又命毅與宋濂等日侍左右講說經史甚見眷遇吳元年出爲湖廣按察使尋命毅與李善長劉基陶安周禎等定律令毅於湖廣務存

明書卷一百十七

九

寬大於休養爲急民多宜之洪武元年超拜吏部尙書六卿初設一切選除考課皆毅與省臺官裁定不激不隨人稱得體二年出爲江西參政卒於官

錢唐字惟明象山人博學敦古行洪武元年舉明經陳王道稱旨授刑部尙書二年詔春秋孔子釋奠於國學遣使降香於曲阜每仲月上丁致祭京師而令天下府州縣不通祀唐上言孔子百王師先儒謂仲尼以萬世爲事天下祀孔子天下祀聖壽報本之禮不可廢也從之祀如故上以孟子有視君寇讎語嫌之欲節略其書并議配饗懸法曰有諫者死且命金吾射之唐極言孟子言仁義得聖

道不可廢祀袒胸受射曰臣得爲孟子死足矣上見其誠懇幸射不同胸命太醫療之時已撤主復之得不廢一日召講虞書陞立而對或糾唐草野不知君臣禮正色曰以古聖王之道陳於陛下不跪不爲踞又常諫宮中不宜揭武后圖上怒待罪午門外終日上悟賜飯卽命撤圖以老乞致仕不許尋坐慙忤謫判壽州卒於官

任亨泰襄陽人貢入太學洪武十八年殿試第一授翰林修撰陞少詹事二十七年擢禮部尙書時日照民江伯兒以母病割股食之不愈乃殺三歲子以禱祭有司以聞上怒曰絕滅倫理宜極捕治之遂逮杖一百戍海南命亨泰

明書卷一百十七

十

等定旌表例亨泰議凡人子遇父母有疾醫治弗愈割肝臥冰者聽不在旌表之例從之詔定蔡氏書傳學士劉三吾等總其事亨泰與焉時酒樓成人賜鈔宴其上各獻詩謝上大悅二十八年秦王棧薨詔定喪禮亨泰奏喪制宜輟朝五日今遇時亨暫輟朝一日因議世子襲爵禮爾其集議以聞亨泰議凡漢諸王薨遣使者立嗣爲王則玄冠衰經喪服以承詔事畢反喪服諸侯受天子之命亦宜服其命服使者出反喪服卽位而哭又議大臣犯重罪雖蒙恩宥不得列本班必少加降抑示勸懲上命列九品班後請罷朝參賜食先是每旦視朝御門殿公侯一品官於門

內二品至四品及翰林院等官於門外五品以下官於丹墀叩頭皆坐光祿以次設饌叩頭而退率以爲常亨泰以事煩請罷從之十一月將征龍州以其地界安南命亨泰同御史嚴震直往諭之國王日焜以壯貌磊落議論英發敬禮之明年使還上聞市蠻人爲僕降御史尋免

史官日明祖投戈講藝延見儒士惟恐不及士之一技鳴者皆得論難侃侃於天子之廷樂韶鳳崔亮諸臣皆議禮制度考文之選也雖庶事草創比於叔孫之繇蕞與張蒼之章程規摹弘遠矣

周禎傳

明書卷一百十七

三

周禎字文典江甯人元末兵起流寓江湖間庚子平漢以薦擢授江西僉事吳元年入爲大理寺丞尋進卿詔禎同李善長劉基陶安等定律令洪武元年設六部拜刑部尙書尋改治書侍御史及建廣東行省出爲參政開省之初經理曲盡奏旌香山縣丞冲敬能集流移寇至敬率民捍禦以勞死雷州同知余騏孫開設府治增築海隄揭陽縣丞許德闢公署核田畝廉州知府脫因招徠流民農多復業惠州知府萬迪興廢舉墜不受私謁乳原知縣張安仁創城池立學校撫綏流徙清遠知縣李鐸勤政興學歸善知縣木寅勑立廨宇長於撫恤由是有司兢勸嶺表以安

而廣東大治會下詔開科舉禎奏應聘名儒司考事從之二年刑部尙書世家寶坐黜復召禎代多行寬政三年致仕去

史官曰

端復初傳

端復初字以善先賢子貢之後以亂遷溧水爲溧水人生有遠志不肯寂寂落人後兵亂袖策言時政無能用者欲歸溧水道絕僑居金華日以書史自娛明兵取金華常遇春聘爲幕官辭去薦於朝召爲徽州經歷均田賦定科徭闢官舍政績大著遷吉州府通判俗尙譁訐教誡殷勤民

明書卷一百十七

三

不忍梗尋擢磨勘司丞凡泉粟刑法物貨句稽精密陞爲令俄僚屬皆以貪敗磔東市惟復初以清白稱超拜刑部尙書按律持以平恕以杭州馬甲飛糧事逮繫者百餘人詔往勘分囚別所人各鞠之合其辭參驗同多者情真否則僞郡守以下皆服罪洪武壬子出爲湖廣參政亂後土廣民稀多方體綏民復業者蠲其賦事皆豫計時設官多闕復初擇在職賢良吏攝其政稱得人事舉民得以安召還疾卒嘗著座右銘曰爲官實難貧然後安事有不可急中存寬又曰心契上天腳踐實地人謂其能自警云學士朱升謂復初爲人其謙退似懦夫其專謹似腐儒瞻視精

悍似俠客掀髯談笑世事似辯士而精神超越又似逸民
隱者世稱實錄子仁字孝父義字孝思皆以儒士起家仁
翰林待詔義翰林侍書先後使朝鮮以清節爲人所服朝
鮮名其所居館曰雙清

史官曰

劉敏傳

劉敏肅甯人洪武三年舉孝廉爲中書吏暮以小車出龍
江市蘆葦旦載於家而後入蒞事妻織蘆蓆鬻以奉母人
或敝亡以青磁瓦器遺其家者懸於梁俟其人復來竟還
之進楚相府錄事值中書給沒官女歸於文臣家咸勸其

明書卷一百十七

三

請納以事母固辭曰事母子之事何預他人及奸雄事敗
獨無所與人稱其識時與茹連皆爲上所知十二年擢工
部侍郎勤於其職十三年改刑部詳獄明允賜以誥有善
治國者必擇仁人刑期於無刑之語十四年出爲徽州府
同知尋卒於官

史官曰

彭通傳

彭通字萬里南海人少孤勵志讀書工爲詩隱居教授從
游者常數百人洪武四年由儒士舉上親試之拜給事中
叅劾封駁嚴明有威同列皆遜爲勿如時上方嚮文學多

擢近侍寘左右俾應制公詩思敏給上稱之賞賜預宋濂
醇學士賡和之列九年於方微等十六人偕轉御史巡京
郡薦達賢能培擊貪暴有能聲用事者以金帛賂力辭不
可遂欲上聞乃已陞山西參政廉出河東運司官匿羨寘
於法賜寶鏐旌之吳印本俗也官方伯以材辯受上知嘗
諧殺僉事張丁其家人橫肆諸藩臬事之唯謹偶以事干
直數其罪且斥辱之以聞上不之罪也尋引年致仕卒爲
人恭謹外柔而內剛直爲政不事繳察然所舉刺動無遺
失故能以功名終

史官曰

明書卷一百十七

四

范常傳

范常字子權滁州人朱青山先生孟申友也嗜學淹貫古
今彝粹無競篤於行義太祖克滁召見問曰天下惡乎定
常曰常聞之好生惡殺人之本心今四海擾亂民鯁鯁懼
不保主公能以除亂救民爲心不妄擄戮燔燒俾令安堵
內揀精銳半從軍半乘城擇寬厚長者牧字之使得耕守
不爲他盜攻劫則四方之人雲合務集天下不足定也上
悅禮遇之從克和州常見諸將暴橫擾民言於上曰使人
捐棄骨肉肝腦塗地何以成大事主公當有以處之上卽
召諸將切責凡軍被驅婦女悉遣還民大悅上問與論兵

常曰古者寓兵於農今兵興宜有制所下郡縣雖田野之人豈無材勇宜精加簡閱爲伍各設長貳典司之耕作隙則習肄毋懈事平之日聽其爲農如此則兵無坐食而不訓於用一日上以羣雄未一命常爲辭禱於天稱上意尋命典兵贖克太平授元帥府都事丙申三月建康預謀議命爲太平知府募民種藝時兵亂後乏穀種官廩貯穀數千石請悉發貸民熟則收之秋大稔公私充牣興學校民甚安之召入爲侍議訪以時政及古今事宜直對無隱又嘗紀滁和事蹟上之洪武元年擢爲翰林直學士尋兼太常卿禮樂之事多委之嘗賜坐賦詩上覽笑曰老范詩

明書卷一百十七

五

質樸而無華類其爲人遷起居注足疾累在告賜安車出入尋允致仕御製詩四章褒獎之賜宅於太平門遂家焉常自號瑯琊山人或曰山人隱者之稱今君朝夕天子左右奈何用此戰然曰士各有志吾今雖忝列侍從抑鄉土之念誰能忘之犬馬之齒且益衰暮天子倘賜矜憐首邱之願可以終遂山人之稱固其志也未幾卒子組行修潔官至雲南參政從子震材武立戰功累官都督僉事

史官曰

汪徽傳

汪徽字仲魯婺源人能詩文元末應鄉舉不售會兵亂與

其弟同集義旅協官兵復饒州元以同爲餘干州同知徽爲浮梁州同知徽辭歸其帥固留之對曰徽本儒生不通軍旋遭寇荼毒忠憤激切以至於此饒旣平定則婺源山中可以少安養親教子其素心也弟同爲國吾當爲家耳遂得歸事親至孝連內外艱廬墓明兵下婺源同方率兵爭鄱陽不克亡走西泖朝疑之錄徽及妻程子淵存爲質會同爲周所殺釋之授安慶稅使壬寅奏事還京安慶城陷於漢妻子竄入山谷復安慶令舊任尋與詹同隨軍參贊以肺疾辭歸尋從王克恭由新安移鎮會稽調入閩越浹歲又以疾辭歸臥病教授鄉里子弟有白謙者濠梁人

明書卷一百十七

六

壬寅來爲宰廉公有威彊暴者畏而疾之甲辰冬鄰境寇來犯城陷白遇害徽爲擇地葬之洪武甲子召入京命釋西伯勘黎篇發明詳盡稱旨敕備顧問侍東宮授左春坊左司直郎與朱善劉三吾稱三老開陳善道從容獻納太祖憫其年老賜朝房以居續製薰風南來諸詩皆見褒賞當春夏時有罪至死者輒涕泣俯伏進諫請決以時無傷天地生物之仁上輒允奏曰此發於真懇非他微名市恩者比恆稱曰善人善人再踰年丙寅力請歸允之將行上御奉天門敕中使宣召至賜坐顧曰若知所以召見意乎起對曰未知曰昨有不須辭別之旨已乃思若光陰有限

今既言歸若雖嬰喘病恆見負此病者往往壽考矧若龐眉有壽之徵若之心事朕所深知孔子不云鄉人之善者好之不善者惡之但若心素善於人之善者固好之不善者亦不惡之斯爲未能全好善之心今若還鄉郡邑官勢須來見當閉門筆之於柬俾僮輩示之曰幸蒙聖恩予告還鄉理宜杜門謝客輸租應役其敢自速厥戾如是不亦善乎敬頓首謝曰聖上愛人以德適茲聖訓是欲臣全其晚節敢不欽佩毋負上心明日行送車數百輛觀者莫不歎嗟以爲榮遇生平而純莊而毅默而智言而信窮而不憂樂而不淫爲學推孔孟之道必期中道所爲文章深

明書卷一百十七

七

厚古雅賦頌詩歌要歸醕於正名悟溪集卒年七十九

史官曰

黃哲傳

黃哲字庸之番禺人幼孤刻苦讀書通五經能詩造晉唐奧域性好山水結廬蒲澗往來羅浮峽山南華諸名勝辭家度庾嶺過吳楚燕齊間一時英豪皆與遊當風雪時泊舟秦淮遇朱文昭徐穎相與握手吟咏沽酒大噱二人唱曰君才如白雪如寡和何名大噪太祖駐金陵建國吳拜哲翰林侍制侍太子讀書尋兼典籤懿文太子甚重之屢應制賦詩稱旨大見嘉賞尋奉使青徐論諸反側以事出

知東阿胥隸初以儒士易之公剖快如梳一邑帖服歲大旱哲齋戒徒跣暴烈日中甘澍應祈民躍呼曰此黃公雨也浪溪有怪物恆出沒竊人陷哲爲文禱於神須臾風雷大作一青蛟斃水上人稱其誠感時亂後民多流徙聞哲善政復業者數千人辛亥遷東平通判是歲河決梁山中書省發民疏浚哲董其役經畫有方民不告勞有司欲復堰黃陵岡哲建議謂此乃故元覆轍可永戒毋貪目前事遂寢尋上書陳時務數十事上怒其狂會山東行省奏哲捐俸修先聖廟築河隄有成績上乃釋不問未幾乞歸有司請領郡校事橫經授徒四方至者多名士歲凡數百人

明書卷一百十七

六

乙卯以東平事註誤竟死於法哲始北上舟行倚篷聽雪嘗自詫曰天下奇音雅韻出自然者莫是過也構軒曰聽雪簷學者稱爲雪簷先生

史官曰

程麒傳

程麒字國祥定遠人負英氣多謀略上在臨濠引兵趨定遠之池河初縣大姓陳氏與麒謀拓健兒屯守挾縣尹爲帥自固聞大軍且至皆棄妻孥走麒獨扶尹來降上指謂侍臣曰眾皆潰而麒獨降非有識者不能留與飲食籌征討之事密謀曲算當上意禮遇甚隆既取滁州擢行軍總

管府經歷司其倉廩兼掌晨昏歷以指將帥之失伍者未幾取和州軍威益振上以始事之初惟兵食最急仍命護滁州倉既度江克太平開江南行中書省徵還陞爲郎中起時上左右唯麒及善長凡政令軍餉羽檄皆二人相與贊之及建康下遷參議戊戌冬上親征婺州署中書省事方寄心督委任俄病卒上親爲文御鎮淮橋而祭慟哭良久直至葬所視其窆始還子驥備宿衛命就儒師學上親訓督尋爲管軍千戶大兵征漢鄂定襄河下吳興俱從征有功上卽帝位擢親軍指揮僉事從平中原陞指揮使世襲滕州段士雄反驥帥師討平之倭寇浙江率浙江太

明書卷一百十七

五

倉諸軍征之捕斬過當進僉大都督府事

史官曰

王溥傳

王溥字士淵桂林人進士拱武二十六年爲廣東參議時匠藝之家勢要占役弗克營生溥禁止之有持部檄來徵舵木者立期逼取又木多不中民苦之溥親臨揀閱十取八九先是行海運多漂沒民不勝困溥自臨廣嶺徧觀險易命有司鑿石填澗修葺橋道教民造車運之民賴焉時兵起無糧無籍軍司恣甚溥曰國以民爲本今一概起取賦稅從何出耶遂入奏上是之停取餘皆獲免其弟來廣

適遇承差何秀同舟知爲溥弟送以布衣弟至告其實溥曰一衣雖微不可不慎此汙行辱身之漸也命還之隨遣弟歸及奏績父老遮道留不可得歷官數年筭無重衣庖無食饌爲胥吏龐庸誣逮詔獄行李蕭然寮屬餽贐皆辭不受曰吾豈以患難易其心哉比至得白歸卒年三十六

廣人惜之

史官曰

王敏傳

王敏字進德浙甯海人爲諸生有同舍生能文往叩之其人以年少固靳不以告憤且奮兼日夜攻習不休踰年輒

明書卷一百十七

三

出其上氣剛有廉隅不與人爲狎其所爲事每欲異恆人其家貧好學饑渴歸取水飲休休然若飢梁肉者人非其類雖欲飲食之不能也嘗與友讀空舍中夜半鄰女叩門求宿甚哀其友欲納之獨厲聲罵曰吾在此誰敢入因疾呼使聞於外其友愧謝不敢出聲女逸去後學舍諸輕薄士目攝相戒不敢爲非義或飲酒歡笑聞其款步卽皆畏避之洪武中貢入京師試高等時遣太學生分教北方賜衣陛見以行得太原外官見諸生秀才從京師來奔走伺候若貴戚重臣其分教者亦多驕橫奴視吏民不爲禮敏獨以禮自約束如平時守令敬愛退相語以爲儒者不可

媚犯藩鎮主將苦其情介異已欲試其所爲召使飲酒牀
韓婦人偏室酒酣內其中鑰門以去入見婦人大呼排門
取殿馬乘之逃還主將驚謝後徵分教諸生還京師郡邑
恐其入奏發已罪多賂以金錢貪者受至數百千紙敏一
揖辭父老卽行無毫髮私受諸生罪發多誅死敏獨得免
尋監收嘉興糧以舟運輸蜀峽江悍急行者多舍舟陸行
爲自全計敏坐舟中不顧曰王事君命也死生天命也祇
君命以事天何以陸爲後自全者多以失舟獲罪敏所部
舟獨無虞還拜御史尋免歸再起爲刑部司獄坐微法輸
作赦歸卒於家年三十一敏容貌端偉有威重慎交與不

明書卷一百十七

三

挫屈於人而居家孝友兄蒞德爲燕府紀善師事之終身
不懈弟琦能文章謹操守有名金華胡翰嘗與宋濂論獨
行事自言於衝得一人曰汪瑄瑄故嘗仕斥不用敝衣繩
履卒於窮死然其議論卓犖不凡而敏亦每稱瑄爲人蓋
其操持如此

道同傳

道同河間人先韃靼族也洪武三年以才舉贊禮郎十年
出知番禺縣性剛毅廉潔番禺素稱繁劇而軍衛尤強橫
需求百出佐吏動遭笞辱前令不能堪比同至視民如子
堅執公法凡事違理者一切不從民賴以安權要惡之未

幾不嘉侯朱亮祖至數以威福撼同同不爲懼時有土豪
數十人遇閩里珍貨輒抑價買之稍不如意卽誣以鈔法
莫敢誰何同廉得實捕之悉械繫通衢諸豪請亮祖求辨
亮祖召同勞以酒食徐爲言之同厲聲曰公爲大臣不當
爲小人所使亮祖不能屈次日亮祖出通衢被械者方曝
烈日中哀呼求免亮祖釋之又有富民羅氏於亮祖之兄
弟善怙勢凌人同按法治之亮祖又奪去以他事咎同同
遂歷數其事而奏之疏未至亮祖亦誣同抗訕先聞上方
委亮祖兵事又深惡梗者卽命使殺同適同奏亦至上始
悟以其職卑而直言大臣有骨鯁風特遣使馳宥之二使

明書卷一百十七

三

同日至同已死民悼惜之上知之悔亮祖竟用是得罪至
杖死同性峭直器宇魁岸奉母備甘旨於妻子同粗糲布
政使徐本雅重同嘗按一醫士罪當笞本急欲得醫求同
寬釋同曰徐公亦欲效永嘉侯耶笞之乃已同死後民多
奉其主於家出入輒告有事卜之響驗人咸以爲神云

史官曰

郭資傳

郭資字存性武安人洪武十八年進士爲戶科庶吉士試
主事戶部總部歷改湖廣陝西司爲真曉練錢穀陞僉都
御史尙書郁新薦改北平參議上言弊政陞參政不數月

進布政使燕兵起資獻策防禦已而留侍世子居守李景隆攻北平晝夜并備輯睦兵民轉給饋餉盡心瘁力不畏強禦太宗卽位陞戶部尙書上曰資朕蕭何也未閱月出掌北平布政司事卽建北京置行部與雜僉並改行部尙書深見信用永樂十七年罷行部復爲戶部尙書時巡狩營建百費並興皆資調度仁宗卽位念其舊勞洵有寵資立東宮兼太子賓客陞太子太師以足疾賜敕給半俸致仕復其家宣德三年夏輟部務明年復召入以太子太師掌戶部事免朝參資矢恭愼祁寒暑雨必入署視事不少休卒年七十三贈湯陰伯諡忠襄官其子佑戶部主事資

明書卷一百十七

三

受眷三朝屢登八座衣食僅充幾不能葬永樂後文臣贈伯四人金純山陽伯吳中莊平伯金濂沐陽伯

明書卷一百十七終

明書卷一百十八

靈壽傳維鱗纂

列傳四

名臣傳三

黃淮傳

黃淮字宗豫永嘉人洪武三十年丁丑進士爲中書舍人建文四年燕兵渡江淮同眾官歸順太宗卽位坐奉天門左室召見訪政務稱旨每朝解縉及淮立御榻左備顧問或至夜分上寢卽賜坐榻前論議密務不數日令入內閣專掌制敕既又選五人與共事名直文淵閣是秋陞編修

明書卷一百十八

一

進侍讀立東宮陞左庶子永樂五年陞右春坊大學士兼侍讀進講東宮太孫立又兼輔太孫六年命蹇義金忠楊士奇及淮留守諭曰太子仁厚留汝四人居守猶唐太宗簡輔弼監國必付房玄齡也明年上北狩又明年上征虜長沙妖人李法良反皇太子遣豐城侯彬討之漢王忌沮太子言彬不可用淮曰豐城老將必能成功兵貴神速宜亟遣以掩不備旣而法良就擒十一年上再北征淮復留守漢王日夜謀奪嫡造飛語動搖監國并中傷淮十二年坐淮奉表迎上不敬逮詔獄凡十年獄中有省愆集自省錄仁宗卽位出獄中陞通政使兼武英殿大學士仍入內

開洪熙元年加少保戶部尚書大學士如故支三俸辭尚書俸仁宗大漸皇太子在南京未至深機卒禍中外洵洵淮與楊士奇佐鄭襄二王監國候皇太子至淮憂危嘔血宣德元年漢庶人反上親征命淮留佐二王監國班師始還第二年秋固請歸時淮父卒賜葬襄事入謝賜遊西苑與公侯伯師傅尚書十一人俱肩輿登萬歲山宴山麓比辭又宴太液池諭之曰明年朕生日卿其復來至期淮至上喜寵錫有加八年禮部會試貢士命淮與少詹事王直爲考試官十年宣宗崩淮奔喪留逾月辭歸正統十四年卒年八十三諡文簡永樂初黨獄大起南人避北官者又

明書卷一百十八

二

有編戍法淮言不可九年時虜酋阿魯台歸款請并女直吐蕃東西諸部聽其約束欲朝廷出誓詞鐫金定集諸酋磨酒中飲爲盟眾議且從之淮曰古言外夷狼子野心黨勢分則易制一心力則難圖後患滋大此奸謀不可許上善淮言顧左右曰黃淮如立高岡無遠不見爾輩如處平地所見惟目前耳賜大寶法王玉章示淮璞淮言朝廷賜外夷用敕命廣運二寶夷人將謂法王尊於朝廷矣上從其言

史官曰黃淮神識洞明健力峻拔有古社稷臣之風纔脫繯絏不一二年遂屏跡丘園計淮園土十年家食二十餘

年而同事七人縉旣雉羅廣亦蠲滅胡儼早休惟士奇秉鈞最久榮謀嶮最密是皆有幸不幸焉說者謂方孝孺之誅葬尹昌隆之籍沒許白雲之極刑皆出於淮而祭酒劉益謂淮好訾毀同列約之始進弗端百善莫贖淮之蒙詆不亦宜乎

蹇義夏原吉傳

蹇義字宜之初名瑤巴人洪武十八年進士授中書舍人奏事稱旨一日太祖顧義問汝蹇叔後乎頓首謝不敢上喜卽書義字賜之易名一考當調命滿九載朕且用義建文皇帝卽位知太祖欲用義超陞吏部右侍郎太宗卽位

明書卷一百十八

三

轉左廂月陞尚書代張統當是時盡改建文諸例得洪武之舊義從容爲上言鑒成憲者豈無因革反亂政者自有經權間舉數事陳說本末上喜其忠實從其言或遂諧義不忘建文上不聽永樂二年兼詹事上欲諭太子率令義往導意太子尤愛重之七年巡北京佐太子監國諸王及遠夷奏請詣行在所餘悉啓太子處分義熟於典故達政體不動聲色事賴以濟九年與夏原吉同滿考賜宴救獎諭十七年外艱歸起復詣北京謝遣中官護還京明年從太子朝北京十九年三殿災特敕廷臣二十六人巡行天下義及給事中馬俊巡應天諸郡問民疾苦考察黜陟文

武吏義言國家多事時盡法繩吏人將不勝斥出太甚者數人還吏部二十年上北征還坐東宮事與楊士奇訟繫錦衣衛獄尋釋仁宗卽位預政議者四五大臣首進義少保兼尙書支二俸歷進少傅少師賜義及楊榮楊士奇金幼孜夏原吉繩愆糾繆銀圖書各一諭曰朕有過舉卿卽具疏用此封識進內制呈五臣及黃淮諸草上特增二語曰勿謂崇高而難入勿以有所從違而或怠又面諭曰此朕實心未幾又制寢忠貞印賜之義重厚不敢專斷每承顧問常持兩端不能快然忠實無他腸楊士奇謂義勿過思義應曰事不熟慮有後患上嘗笑曰義士奇言皆是楊

明書卷一百十八

四

榮或詆義語聞上上不直榮義頓首言榮無他卽左右有譏榮者願皇上慎察上笑曰吾亦不信偶言及耳宣德初征漢庶人軍中進止多從義時議赦交趾義及夏原吉力言祖宗疆土不可棄上不聽命擇人使交趾義薦伏伯安楊士奇語夏原吉以伯安不可使義當榻前力爭當是時上尤信任原吉比召諸大臣入議義竟薦伯安上顧原吉云何對曰不可義曰伯安有口才羣臣不及上又顧問士奇云何對曰伯安有穢行無學識遣使必辱國上從二人言不遣伯安使義亦不以二人爲異已三年秋從巡邊還上顧曰寢少師老不欲煩以事敕曰卿事祖宗積效勤誠

朕嗣統尤資贊輔夙夜在念圖善始終以卿春秋高尙典劇司非所以優老特賢况師保寅亮爲職不煩庶政乃副倚畀可輟吏部務朝夕在朕左右相與討論至理共甯邦家其專精神審思慮益致嘉猷用稱眷倚老成之意明年夏郭璉代爲尙書又賜義忠厚寬弘銀章一七九年秋令有司治義第八年一品九年賜宴禮部義生日賜鈔萬馬一英宗卽位日義齋宿得疾越五日卒年七十三贈太師諡忠定義孝友質實和厚簡靜處人有量未嘗一語傷至議典法不苟爲包含必歸於正歷事六朝凡五十年貴而能謙富而能約上前所言未嘗退以語人在吏部尤慎擇

明書卷一百十八

五

郡守考察明恕不苟不縱子二英荃皆尙寶司丞太宗卽位之歲至成化丁亥凡六十六年吏部尙書四人義及郭璉王直王翱而何文淵協佐者不與焉自後至正德終五十四年凡更十八人而尹旻最久十四年夏原吉字維詰湘陰人洪武中以鄉薦遊太學選入禁廡書誥授戶部主事尙書郁新奇之與商推諸司事劉郎中者忌之會劾諸司怠事者上曰宥之新請必罪上怒新問誰教汝新免冠謝得已劉郎中因奏果人教尙書者意中原吉上問新爲誰對曰堂後書算生教臣臣愚過聽萬死上下書算生獄劉郎中又奏原吉專尙書柄言前事實原